

Despues di 59 aña, 2 luna y 27 dia ...

AYOOOOOOOO RADIO KELKBOOM

Maske cu no ta parce berdad, RADIO KELKBOOM ta stop cu su transmisionnan oficialmente dia 16 di juni proximo, 12 or di anochi.

Radio Kelkboom lo pasa pa historia como e prome emisora comercial di Aruba. Transmision oficial a cuminsa dia 20 di maart 1954, aunke cu for di 1953 caba tabatin transmisionnan di prueba. Don Carlos Kelkboom, d.f.m., a dirigi e empresa aki te dia di su fayecemento y su yiu Emile a sigui dirigi e em-

presa te dia di awe.

En conexion cu e clausura aki, Produccion Tromp y Butishi di Alegria lo tin 3 diadomingo sigui, programanan special pa cu e clausura aki.

Mañan dia 2 di juni: Festival di Festivalnan, programa cu Butishi di Alegria a presenta hopi aña pasa. E programa ta cuminsa 2 or di merdia.

Diadomingo dia 9 di juni, 2 or di merdia: Festivalnan di Ranchera, cu tambe Butishi

di Alegria a graba y presenta hopi aña atras.

Y diadomingo dia 16 di juni: e ultimo programa den existencia di Radio Kelkboom y Butishi di Alegria. E programa aki lo ta bibo for di studionan di Radio Kelkboom y ta cuminsa 12 or di merdia y lo sigui te den oranan di anochi.

Tur oyente ta keda invita pa sintonisa Radio Kelkboom den su ultimo dia- y oranan di existencia. Frecuencia ta 106.7 riba banda FM.

Danki, danki ta un y tur cu durante tur e añanan aki a sintonisa y scucha Radio Kelkboom cu hopi amor y entusiasmo. Scucha nos durante e ultimo tres simannan aki. Lastima ... pero RADIO KELKBOOM ta bay !!! Ayoooooooooooooooooooo.